

Celebrando 80 aña di Women's Club of Aruba



ORANJESTAD – E siman di 17 pa 20 di September Women's Club of Aruba (WCA) ta celebrando nan 80 aña.

E anochi di celebracion cu lo bira un anochi di gala "Gala dinner & Dance" ta wordo celebra dia 19 di September di 7or pa 12or di anochi. Dia 17 di September e celebracion ta cuminsa cu reunion entre e miembronan di WCA. Dia 18 e dia lo wordo dedica na prensa y e sponsoran cu a sostene WCA durante nan añanan na tur evento cu a wordo organisa y tambe plamando palabra di WCA pa henter comunidad. Na e ocasion aki tambe lo honra esunnan cu a sostene WCA durante di un "Wine & Cheese Festival". Dia 19 di September lo tin un orador special di Merca. Di 10or di mainta te cu 12or di merdia e topico di e lectura aki lo ta "Empowering Women". Ticket pa e lectura aki ta 35 florin.

Riba e mesun anochi ta bay tin un "Gala Dinner & Dance" di 7or pa 12or di anochi unda cu lo celebra e 80 aña di WCA.

Ticket pa e celebracion ta obtenibel na Manchitos, Surprise y tambe miembro di WCA.

Historia

Algo bunita pa recorda segun presidente Lilian Martis ta cu WCA a wordo funda pa hende muhenan Arubiano na aña 1934 kende tabata casa di hende homber cu ta traha den Lago (Lago women). Despues di 4 aña di WCA nan a asocia nan mes cu club di hende muhe rond mundo. E fundacion ta yuda cu hopi causa y problema social di comunidad esey ta e meta di e fundacion. "Algo cu ta keda hopi cerca di WCA ta pa

brinda ayudo ta muchanan menos fortuna", sra. Martis a duna di conoce.

Incorpora hubentud den WCA

Durante e dianan di celebracion WCA lo pone enfasis pa busca miembronan hoben. WCA ta acepta hende muhe ya for di edad di 18 aña pa forma parti di WCA. Algo nobo cu lo cuminsa ta e grupo di hoben unda cu lo guia e hobennan y cera nan conoci cu e trabounan di WCA pa despues nan bira miembro oficial di WCA. E idea tras di esaki segun sra. Martis ta pa mescla e entusiasmo y pensamiento innovativo hunto cu e experiencia y conocimiento di e miembronan mas grandi. "Nos ta kere cu esaki lo genera mas miho resulta pa WCA por tin un celebracion di 80 aña mas".

Sra. Martis durante e dianan miembronan di WCA lo ta habri pa intercambio di ideanan y networking.

Algun proyecto cu a resalta Riba e pregunta cua tabata e proyecto cu logro mas grandi pa WCA sra. Martis a contesta cu cada proyecto ta un gran logro roba su mes. "Locual nos haci pa cada persona ta yega na nan curason, esey nos sa door i e reaccion cu nan ta duna gradiciendo WCA". Pa menciona algun grandi sra. Martis ta corda e dia cu WCA hunto cu dokternan a logra haci paptest pa 1500 persona riba un solo dia. Un otro tabata un proyecto di AIDS cu WCA a gana como esun cu a haci un miho proyecto di conscientisacion. Tabata tin un proyecto chikito cu impacto grandi riba nos medio ambiente na momento cu WCA a cuminsa conscientisa mayornan y muchanan pa recicla y hiba pakete di pan y termo na scol. "Ora un persona bira emocional du-



rante di e proyectonan tambe ta crea un recuerdo special manera un persona cu a haya un renchi di oro durante un ceremonia di entregamento

di premio, el a bisa cu esey ta su prome renchi di oro". Sra. Martis a bisa.

Finalizando sra. Martis a bisa cu e eventonan di WCA ta

habri pa tur hende, y ta spe- ra cu comunidad por pasa cera conoci mas di cerca cu WCA. □